



INFORME DE LEGALIDADE DA SECRETARÍA XERAL TÉCNICA SOBRE O PROXECTO DE DECRETO POLO QUE SE REGULAN AS COMPETENCIAS AUTONÓMICAS NA ZONA DE SERVIDUME DE PROTECCIÓN DO DOMINIO PÚBLICO MARÍTIMO-TERRESTRE.

En cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, esta Secretaría Xeral Técnica emite o seguinte,

INFORME

1. Obxecto

Constitúe o obxecto do presente proxecto de decreto regular as competencias da Comunidade Autónoma de Galicia na zona de servidume de protección do dominio público marítimo-terrestre do seu territorio que, na execución da normativa estatal en materia de costas, lle corresponden dentro do marco da delimitación constitucional de competencias. A estos efectos, establecéncense as determinacións relativas á execución do réxime de usos e actividades na zona de servidume de protección e a tramitación dos procedementos legalmente previstos para a súa utilización, disfrute, conservación e restitución.

2. Marco normativo e competencial

Conforme co artigo 27.30 do Estatuto de autonomía de Galicia, a Comunidad Autónoma galega ostenta competencia exclusiva en materia de ordenación do territorio e do litoral, urbanismo e vivenda. Así mesmo, o artigo 30 dispón a competencia exclusiva en normas adicionais sobre protección do medio ambiente e da paisaxe nos termos do artigo 149.1.23 da Constitución Española.

De conformidade co anterior, a Consellería de Medio Ambiente, Territorio e Vivenda é a consellería competente en materia de medio ambiente, ordenación do territorio e urbanismo e conservación da natureza en virtude das competencias outorgadas no Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio, en relación co Decreto 177/2016, do 15 de decembro, polo que se fixa a estrutura orgánica da vicepresidencia e das Consellerías da Xunta de Galicia, modificado parcialmente por el Decreto 106/2018, de 4 de outubro.





A nivel estatal a normativa básica de aplicación e a Lei 22/1988, de 28 de xullo, de Costas, que define e regula o dominio público marítimo-terrestre e a zona de servidume de protección, e o seu regulamento de desenvolvemento, o Real Decreto 876/2014, de 10 de outubro, polo que se aproba o Regulamento Xeral de Costas. Pola súa banda, a Lei 2/2013, de 29 de maio, de protección e uso sostible do litoral e de modificación da Ley 22/1988, de Costas introduce varias modificacións a lei en aras dunha maior protección da costa e o aumento da seguridade xurídica.

A nivel autonómico, o Decreto 158/2005, do 2 de xuño, polo que se regulan as competencias autonómicas na zona de servidume de protección do dominio público marítimo-terrestre derogaba o Decreto 199/2004, do 29 de xullo polo que se regulan as competencias autonómicas na zona de servidume de protección do dominio público marítimo-terrestre clarificando e unificando criterios en aras dunha mellor seguridade xurídica.

Tamén son salientes, o Decreto 20/2011, do 10 de febreiro, polo que se aproba definitivamente o Plan de Ordenación do Litoral; que establece os criterios, principios e normas xerais para a ordenación urbanística da zona litoral baseada en criterios de perdurabilidade e sostibilidade.

Polo demais, e no que fai competencia para a aprobación do proxecto sobre o que versa o presente informe, a mesma corresponde ao Consello da Xunta, de conformidade co artigo 4.6 da Lei 1/1983, do 22 de febreiro, de normas reguladoras da Xunta e da súa presidencia, de acordo co disposto no artigo 34.5 da antedita lei 1/1983 e dos artigos 37, 38, 39 e 43 da Lei 16/2010, do 17 de decembro, de organización e funcionamento da Administración Xeral de do sector público autonómico de Galicia, e tendo en conta o disposto no artigo 1 do Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio.

3. Estrutura do proxecto normativo

O proxecto de decreto estrutúrase en seis capítulos, e consta de 37 artigos, 3 disposicións adicionais, 1 disposición transitoria, 1 disposición derogatoria e 2 disposicións derradeiras.



4. Tramitación

O proxecto de decreto tramítase de conformidade co disposto nos artigos 40 a 44 da Lei 16/2010, do 17 de decembro. No expediente constátase que de acordo co disposto no artigo 41.3 da Lei 16/2010, do 17 de decembro, o anteproxecto de orde acompaña dos seguintes documentos, correspondentes a fase inicial da tramitación:

- Unha memoria xustificativa sobre a súa legalidade, acerto e oportunidade
- Unha memoria económica-financeira con estimacións dos custos que pida xerar e o seu financiamento
- Un informe da subdirección xeral de Réxime Xurídico, de Coordinación Administrativa e da Planificación
- Unha táboa de vixencias

De conformidade co artigo 41.4 da Lei 16/2010, do 17 de decembro, a aprobación inicial do anteproxecto pola persoa titula da entón Consellería de Medio Ambiente e Ordenación do Territorio tivo lugar en data 21 de xullo de 2017.

En cumprimento do artigo 41.5 da Lei 16/2010, do 17 de decembro e o artigo 9 da Lei 1/2016, do 18 de xaneiro, de transparencia e bo goberno publicouse no Portal de Transparencia e Goberno Aberto, constando certificado de publicación no dito portal de data 7 de setembro de 2017.

Por outra banda, e de acordo co artigo 16.1.a) da Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente, o texto someteuse a información pública mediante anuncio no DOG do 28 de xullo de 2017.

Na fase intermedia da tramitación, foi sometido aos seguintes trámites:

- *Trámite de audiencia:* O proxecto foi remitido para alegacións a todas as Secretarías Xerais Técnicas das Consellerías da Administración xeral da Comunidade Autónoma de Galicia, así como a outras entidades que puidesen resultar interesadas. Consta no expediente a xustificación do tratamento das alegacións recibidas, asignadas pola directora xeral de Ordenación do Territorio e Urbanismo de data 21 de xaneiro de 2019.



Informes e ditames: Durante a tramitación pronunciáronse sobre o proxecto os seguintes órganos:

- Informe da Dirección Xeral de Función Pública do 30/01/2019.
- Informe de impacto de xénero da Secretaría Xeral de Igualdade do 30/01/2019.
- Informe de sostibilidade financeira da Dirección Xeral de Planificación e Orzamentos do 31/01/2019.
- Informe da Dirección Xeral de Avaliación e Reforma Administrativa do 6/02/2019
- Informe da Dirección General de Sostenibilidad de la Costa y del Mar (MAPAMA) do 10/10/2017.
- Informe do Ministerio para la Transición Ecológica do 23/10/2018.

Na fase final da tramitación, o expediente remítese ao preceptivo informe da Asesoría Xúridica da Xunta de Galicia, emitíndose o informe en data 2 de maio de 2019.

En cumprimento do disposto no artigo 43.4 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería de Medio ambiente, Territorio e Vivenda.

De conformidade co exposto, esta Secretaría Xeral Técnica informa favorablemente o proxecto de decreto polo que se aproba a catalogación dos tramos urbanos e naturais das praias de Galicia previamente á súa remisión ao Consello Consultivo de Galicia

Santiago de Compostela, 10 de maio de 2019

A secretaría xeral técnica

Carmen Ríosso Montero

